

“Povu nia Lian kona-ba Justisa no Lejislasaun”



**Sr. Bendito de Araújo Soares
Xefe suco Lawala-Distritu Ermera**

1. Bele esplika tanba saida Parlamentu Nasional la-altera lei Pensaun Vitalisia?

Resposta husi Sr. Natalino dos Santo Nascimento (Vice Prezidente Komisaun A PN, Xefe Bankada CNRT): Hau hakarak



klarifikasi katak to'o ohin Ioron Lei ba Pensaun Vitalisia seidauk iha alterasau iha Segunda Lejislatura mos hola parte no iha ona proposta husi proponentes Deputadu lubuk ida inklui hau rasik. Ami hato'o ona para bele halo apresiasaun fila fali ba Lei Pensaun Vitalista ne'ebé sai fenomena sosial boot ida ne'ebé ema barak kestiona, tantu sidadaun sira, ONG, Sosiadade Sivil, ne'ebé kontinua kestiona katak lei ne'e injustu tuir pensamentu povo sira nian, maibé neste momentu seidauk halo alterasaun ba Lei ne'e iha segunda lejislatura bainhira kuandu regras tuir lejislatura ida termina ne'e kaduka. Maibé iha terceira lejislatura ami mos tau ona prioridade oinsa atu bele halo alterasaun ba lei ida ne'e, tuir ejizensia ne'ebé husi komuidade, sosidade sivil sira ne'ebé hare lei ida ne'e, tuir sira nia hanoin no asumsaun katak lei ne'e injustu wainhira aplika iha ne'e, maibé lei ida ne'e vigora tanba iha premeíru lejislatura maka halo.

Maske iha realidade nafatin iha lamentasaun no prekopasaun husi povo sira

nian no sira konsirea lei ne'e la fo satisfikasaun. Maibe kuandu lei ida vigora ona no lei ne'e hakarak ka lakohi lei ne'e tenke implementa.

Iha segunda lejislatura tenta atu halo alterasaun, atu responde duni povo sira nia lian, maibe la konsege no kaduka, no iha terceira lejislatura iha ona programa komisaun A nian ne'ebé mos tau importansia ba alterasun no halo ona apresiasaun ba fali lei vitalisia ne'e atu responde ejizensia balun mai husi komunidade, maibé ida ne'e sai ona prioridade no responsabilidade deputadus sira nian ne'ebé hanesan lejislador atu hare mos lakunas ne'ebé iha, sugestaun ne'ebé iha, karik lei ne'e la adekuada, lei ida ne'ebé mak ladun iha ninia valor justisa no karik lei ne'e konsidera injustisa boot ida, tuir interpretasaun ema nian, hau hanoin deputadu sira iha never atu halo alterasaun.

Atu hateten katak kuandu ita halo lei ida ne'ebé bainhira ema dehan katak ohin iha ejicensia husi baze parlamentu tenki halo kedas.

Parlamentu ne'e iha deputadus 65 ne'ebé fahe ba komisaun 7 iha área espesializada ida idak nian no la hare deit ba lei no lei ida ne'e komisaun A ne'ebé hanesan komisaun tematíka ida ne'ebé hare liu ba lei ne'e.

Parlamentu Nasional iha deputadu 65 ne'ebé balun iha preokupasaun hare ba asuntu seluk, tanba ne'e iha terceira lejislatura ne'e, iha Komisaun A mos konsidera hanesan agenda prioridade, nune'e mos nu'udar vice prezidenté ami tau iha agenda ona para atu hare atu halo diskusaun, maibé durante ida ne'e depoisde formasaun governo iha lei ka asuntu barak mak preoridade liu hanesan programa governo nian ami tenki aprova depois de

debate Orsamentu ratifikativu, no agora dadaun hare fali ba diskusaun OJE ninia.

Preokupasaun kona-ba lei vitalisia ne'e hau sente ida ne'e diak tanba tuir sira nia hare katak lei ne'e injustu, maibé ida ne'e fila fali ba lejislador sira, hau la bele dehan primeíru lejislatura mak sala maibé iha altura ne'eba desizaun sira ne'ebé primeíru lejislatura deside no estabelese ona lei ne'e no konsidera nudar lei ona, se deit ka sidadaun se deit, no ita hotu tenki hakruk no abedes ba lei ne'e.

Konkluzaun katak Lei Pensaun Vitalista sedauk iha alterasaun, maibe hanesan hau hateten katak tama ona ba agenda prioridade politika ne'ebé mos sai hanesan komprimisiu eleitoral durante kampanye. Nomos iha Parlamentu hanesan lejislador iha Komisaun ne'ebé importante ne'ebé hare liu ba asuntu lei Konstitutionais no Komisaun A mos tau ona iha agenda prioridade.

Iha Abril ba oin komesa hare no fokus liu ona ba komisaun A nian hodi hare ba lei sira ne'ebé importante. Lei sira ne'ebé importante liu atu hare mak lei ba Rai (rezime especial ba bens imoves) ne'ebé iha segunda lejislatura PN konsege halo, maibé Prezidénte rasik veta ba lei refere.

2. Esbosu Lei Reparaun no Institutu Memoria Públiku iha segundo lejislatura la konsege aprova no to'o agora esbosu lei ne'e nafatin pendente, bele esplika razaun tanba sa?

Nafatin resposta husi Sr. Natalino dos Santos (Vice Prezidénte Komisaun A PN, Xefe Bankada CNRT): Ida ne'e mós sai polemíka boot ida



katak iha segunda lejislatura lei ne'e iha ona agenda no diskuti ona, lori ona ba plenaria, maibé iha mós deputadu sira nia kna'ar, iha deputadu nain 10 ne'ebé mak mai husi antigus veteranus, sira rasik mak halo rekerementu ba plenaria para husu pendente lai lei ne'e ho provezoriamente tanbá ho razaun ida katak seidauk halo definisaun los ba vítima, ida ne'e mak sai kestaun ba sira. Topiku sentral ne'ebé sei halo konfusaun atu halo definisaun ba vítima ne'e mak ida ne'ebé, no razaun seluk tanbá momentu ne'ebá problema veteranus nian sedauk rezolve hotu, tanbá sentu é tal mil veteranus ne'ebé seidauk resolve hotu.

Kona-ba Institute Memória ne'e iha ona diskusaun maibé ita seidauk hare katak oinsa ita atu bele hari'l Intituisaun Memoria tanbá ne'e iha ne'ebá ami diskuti katak Intituisaun Memória ne'e hari'l iha ne'ebé nia okos, iha ideas balun bele konsidera hanesan NGO ida, balun hanoin bele sai hanesan organizasaun ka Instituisaun otonom ida ka tutela ba iha ministériu ida, ho razaun sira ne'e mak halo lei rua ne'e to ohin loron sei pendente hela.

Maibé iha mós deputadu nia kna'ar, iha deputadu nain 10 ne'ebé mak mai husi antigus veteranus, sira rasik mak halo rekerementu ba plenaria para husu atu pendente lai lei ne'e ho provezoriamente tanbá ho razaun ida katak seidauk iha definisaun ida ne'ebé lolos kona-ba vítima, ida ne'e mak sai kestaun ba sira, no razaun seluk tanbá momentu ne'ebá problema veteranus nian sedauk rezolve hotu.

Maibé oras ne'e ami tau ona iha prioridade, iha agenda Komisaun A nian, no garantia katak iha terceira lejislatura tenki deskuti, maibé nafatin presija iha konsensus ida kona-ba definisaun husi vítima ne'e rasik,

tanba bainhira koalia kona-ba vítima ne'e ita koalia komesa husi 1974-1999.



**Iha parte seluk
Deputadu Osorio
Florindo da
Concenção Costa
hanesan Membru
PN, Bankada Fretelin**

mos esplika kona-ba preokupasaun Povu nian relasiona ho esbosu Lei Instituto Memoria, vítama da gera ne'e hanesan lei pakote ida husi asunto Kombatente da Luta Libertasaun Nasional, lei vitima da gera no lei heroi da patria.

Iha 2005 ou 2006 sai mos hanesan membru komisaun eventual ne'ebé hari'i no estabelese hodi halo lei nomos estatutu Kombatente Libertasaun Nasional no iha asunto tolu ne'ebé hau mensiona iha leten halo mos diskusaun dala ida.

Tanbá ne'e maka ami halo uluk lei ne'ebé koalia liu kona-bá ba statute Kombatente Libertasaun Nasional mandatu dahuluk hotu tama fali ba mandatu daruak tanbá problema veteranus no Kombatente Libertasaun Nasional, sai hanesan problema ne'ebé bo'ot, no la'os fasil e ne'e komplikadu tebes tanba ne'e too agora sidauk bele resolve tanba iha kestaun tekniku barak teb-tebes.

Ita hotu hatene katak kazu barak la halimar, problema individu nian mos barak, tanba ne'e ita la-bele halo lei ida atu jeneraliza no hodi bele sai asunto ne'ebé organizado no politika ida atu ita bele rezolve lei veteranus ne'e dala tan maybe dala ida deit tanba ne'e situasaun ne'e mós bele fó impaktu.

Kuandu aprova lei ida, ne'e otomatikamente sei fo impaktu boot ba Orsamentu do Estadu, exemplo ita koalia kona-ba lei Kombatentis Libertasaun Nasional, no

agora ita hotu hatene katak tinan tinan governu tau osan hira ba ida ne'e, no hau hanoin iha diskusaun boot ida ne'ebé diferensia entre vítiām da guera. La'os tanba razaun agenda atu diskuti ka la diskuti lae ba hau ne'e la'os kestaun, ita hotu tenki hanoin ida katak vítima da quera ne'e saida, tanba vítima da quera ida mós, agora dadaun sira sai hanesan Kombatente Libertasaun Nasional mak simu osan ne'e.

Kona-ba vítima da quera konseptu ida seluk mak fo oan tiha hanesan ema barak kestiona iha lei ne'e, proezemplo hanesan uluk obrigatoriu sira ne'ebé mak fo oan, tanba saida mak fo oan, tanba nia partisipa iha luta libertasaun nasional, dala ruma inimigu kaer ka tentara Indonesia kaer no viola nia oan sira husik hela, ida ne'e mak ita koalia labarik sira ne'ebé Inan no Aman la tau matan no ida ne'e tama mós iha katergoria vítima da quera.

Konseitu ne'ebé ita hotu kaer hodi koalia kona-ba oinsa atu resolve vítima da quera tanba ema sira ne'ebé partisipa iha luta libertasaun ne'e mós vítima da quera tanba ne'e mak hau hanoin Parlamentu Nasional, Sosiadade Sivil no Povo tomak, Kombatentes Libertasaun tomak, tenki koalia kona-ba konseitu ne'e, tanba konseitu ne'e bele fo ema ida bele hetan mós benefisiu boot tanba bele fo benefisiu sai kombatentes no sai mós vítima da quera.

Maibe ida ne'e Xefe Bankada sira maka iha k'na'ar hodi lidera reuniaun no sira maka tenki supmete ba diskusaun ne'e nune'e hodi fo opiniaun ba Presidente Parlamento tanba nia maka iha k'na'ar, no nia maka bele agenda ba diskusaun lei sira ne'e, maibé hau nia preokupasaun maka konsetu ba vítima da quera ne'e ema barak maka la aseita tuir draf sira haruka mai ne'e, tanba exemplo ita koalia kona-ba veteranus nian

kuandu lei ne'e nakloke, no ema hotu ne'ebé hatene katak sira ne'ebe uluk partisipa iha funu libertasaun ida ne'e nia bele ba tau naran maibé to'o ikus veteranus falsu mós iha no veteranus lalos mós iha.

Se agora lei hanesan ne'e ona maka ita loke tan dalan ba ema hanesan, sé maka vítima da quera bele ba tau naran tan, exemplo ema ida uluk nunka partisipa luta, no uluk bele hola malu tanba hakarak malu no fo tiha oan, no la'os tanba nia prtisipa luta ou la'os tanba violadu, maibé tanba nia hakarak nia halo tiha situsaun ne'e, no ita dehan nia ba rezistu ne'e nia mós sei ba rezistu no nia bele dehan katak uluk hau nia inan Bapa maka estraga, ida ne'e hatudu kontestu ne'ebé la hanesan. Ida seluk tanba situsaun obrigatoriu no nia tenki fo nia an para sai violadu para aquenta luta ba libertasun ne'e, mais ida fali ita bele dehan lae tanba sira gosta malu. No se situsaun ne'e akontese ita nia estadu laiha osamentu laiha kapasidade atu hare ba situsaun ida ne'e.

“Treinamento”

Unidade Justisa ba Feto JSMP, facilita treinamentu ba Ofisiál Protesaun Labarik MSS iha 13 Distritus



Iha 08, 13,18 Fevereiru 2013 JSMP liu husi Unidade Justisa ba Feto facilita treinamentu ba funzionáriu MSS/DNRS ne'ebé servisu iha 13 distritu ho reprezentante husi sub distritu sira ho total partisipantes hamutk nain 75. Atividade treinamentu ne'e komisaun organizadora fahe ba grupu 3. Primeiru iha 08 Marsu 2013 ne'ebé involve

partisipantes husi Distritu Lospalos, Baucau, Viqueuqe no Manatutu. Segundu iha 13 Marsu 2013 involve partisipantes husi Distritu Ainaro Manufahi, Suai, Bobonaro. Treseiru involve partisipantes husi Distritu Aileu, Dili, Ermera, Liquisa no Oe-cusse.

Programa treinamentu ne'e organiza husi Ministériu Solidariedade Sosial atu banati tuir sira nia kna'ar ne'ebé regulariza iha artigu 15/16 Lei Kontra Violénsia Doméstika, hodi dezenvolve prosedimentu operasional padraun ne'ebé hetan ona aprovasaun atu sai hanesan matadalan ba fornesedores servisu hodi hatan ba vítima violénsia bazeia ba jéneru no violénsia doméstika.

Atu reforsa diak liu tan servisu atendimento ba vítima violénsia bázeia ba jéneru MSS liu husi derasaun DNRS servisu hamutuk ho JSMP atu fasilita treinamentu ba Ofisiál Protesaun Labarik ho tema “Vizaun no Misaun JSMP no Lei Kódigu Penál husi Perspetiva jéneru.

Objetivu husi treinamentu ne'e atu haklean kuñesimentu funsioanriu sira nian relasiona ho JSMP nia misaun monitorizaun iha tribunál no Parlamentu Nasional, Edukasaun legál no Advokasia.

Refere ba misaun ne'ebé iha ba oportunidade ida ne'e JSMP facilita treinamentu ba funzionariu OPL sira kona-ba artigu relevante ba asuntu violénsia bázeia ba jéneru mak regula ona iha Kódigu Penál Timór Lesté. Iha parte seluk atu fo orientasaun kona-ba kna'ar no responsabilidade fornesedores servisu kona-ba oinsa atu halo atendimento ba vítima sira husi forma violénsia bázeia ba jéneru no violénsia doméstika.